



MINISTRY OF INTERNAL AFFAIRS
Department of Vanuatu Immigration and Passport Services
Republic of Vanuatu



MINISTÈRE DES AFFAIRES INTÉRIEURES
Département des services d'immigration et de passeport de Vanuatu
République de Vanuatu
Private Mail Bag 9106 PORT VILA Tel: (678)22354 VOIP: 33125

PABLIK ANAONSMEN

Volentari Dipotesen blong Vietnamis Nasonal from Oli Brekem Turis Visa

PORT VILA, VANUATU, namba 10 Maj 2015 – Dipatmen blong Imigresen mo Komplaens anda long Ministri blong Intenol Afea, i konfemem volentari dipotesen blong tu Vietnamis nasonal, **Nguyen Van Hoan** mo **Phen This**, from tufala i brekem olgeta kondisen blong Turis Visa, we i lukim tufala i stap mekem olgeta bisnis aktiviti taem tufala i stap long Vanuatu.

Tufala i livim kaontri long Sandei namba 2 Maj 2025, folem wan ofisol investigesen we oli mekem mo faenemaot se tufala i brekem Seksen 17D (1)(e)(i) blong Imigresen Visa Regulesen Oda 180 blong 2011.

Regulesen ia i stopem olgeta man we oli tekem Turis Visa, blong wan tem blong 120 dei, blong oli no wok o mekem eni bisnis aktiviti taem oli stap long Vanuatu. From se olgeta aksen olsem i go agensem olgeta kondisen insaed long-tem Turis Visa.

Tufala man ia i spolem morol prinsipol blong sistem blong visa blong kaontri, we i mekem olgeta otoriti oli tekem aksen, taem tufala i brekem olgeta kondisen ia.

Ministri blong Intenol Afea i wantem mekem tok save bakegen i go long olgeta foren nasonal se Turis Visa hemi blong oli yusum blong mekem samting long saed blong turisim nomo. Sipos oli faenem eni foren nasonal we i brekem olgeta kondisen ia bambae oli mekem hem i fesem loa, hemia i inkludim dipotesen.

Mo tu, Ministri i wantem olgeta bisnis, employa, mo jenerol pablik blong lukluk mo ripotem long Dipatmen blong Imigresen eni aktiviti we oli luk se i no stret.

Hemi impoten blong folem olgeta imigresn loa blong mekem sua i gat feanes oltaem mo protektem nasonal mo ekonomik blong Vanuatu.

Kontaktem **Dipatmen blong Vanuatu Imigresen mo Paspot Sevis** blong save moa infomesen o ripotem vaeolesen long saed blong visa.

Imel: visenquires@vanuatu.gov.vu / viscompliance@vanuatu.gov.vu

Ples: Indipendens Pak, Bihaen Sivil Rejistri Ofis

Website: <https://immigration.gov.vu> | <https://moia.gov.vu>